

Editor: Vanlalnunpuii Hmar, MFS

Jt. Editor: V. Laikhuma

Office Address:

Divisional Forest Officer,
Forest Extension Division,
PCCF's Office Building,
Tuikhuatlang, Aizawl,
796001, Mizoram.

Phone/Fax: 0389-2323302

E-mail:

efextension16@gmail.com
forestkhawvel2015@yahoo.com



FOREST KHAWVEL

OCTOBER - DECEMBER 2022

Vol. XXIV Issue No.3

NUNGCHA HUMHALH CHAWLHKAR HMAN A NI



October ni 2-8, 2022 chhung khan Nungcha Humhalhna Chawlhkar (68th National Wildlife Week) chu ram pumah hman a ni a. He chawlhkar hawnna hun hi ni 2, Thawhṭanni khan Assembly Annexe, Treasury Square, Aizawl-ah Pu TJ Lalnuntluanga, Environment, Forests & Climate Change changtu Minister chuan a hawng. Kumina National Wildlife Week thu-pui atan hian "Climate Change & Wildlife Conservation" tih hman a ni. He inkhawmah hian College leh High School Zirlaite bahak tlawmngai pawl hruaitute leh mi pawimawh tak tak an tel a ni.

He hun hawnna inkhawm hi Pu RK Singh, IFS, PCCF&HoFF chuan a kaihruai a. Dr C Vanlalnghaka, Assistant Professor, Government Serchhip College chuan 'Climate Change and Wildlife Conservation' leh Pu Laltlanhlua Zathang, IFS, CF(SC) & DFO, Aizawl chuan 'Wildlife Scenario in Mizoram' tih an present a, a bengvarthlakin a ngaihnawm hle.



He inkhawma khual lian, Pu TJ Lalnuntluanga chuan, National Wildlife Week hman a nih nachhan sawiin mi zawng zawngin thil nung tinrengte kan tan an pawimawhzia leh an tel lova kan nun theih bik lohzia an hriat a, humhalh leh kan vaia nun nuam zawka kan damkhawchhuah theuh theihna tura inzirtir hi a ni, tiin kum 1972 khan India sorkhar chuan Wildlife Protection Act siamin a hmang a, Mizoram-ah pawh kum 1974



FROM EDITOR'S DESK

Pathian hruainain kum 2022 chu kan hmang ral ve leh ta der mai. Hunin a herpui ang zelin khaw awm dan pawh a kal ve zel a. Tunah chuan kan ram khawi lai hmun mai pawh a ro leh ta viau mai a, Kangmei chhuah hlauhawm tak takna hmun a tam leh ta. Chuvangin tun aṭ ang hian nipui thawt a reh a, fur ruah a thlen hma chu fimkhur taka chet a ṭul leh ta. Kangmei chhuak rapthlakzia leh pawi a khawih thui theihzia hre rengin midangte pawh i zirtir chhawng zel ang u.

Tun tum Forest Khawvel issue huam chhung (October-December)-ah hian hun pawimawh bik tak tak kan hmang nual a. National Wildlife Week bahak Single Use Plastic Free Day leh, he thil pahnih kaihhnawih programme hrang hrang pawh kan hmang nual a, chungte chu tarlan a ni nual bawk. Hengte hi ngun leh uluk taka chhiarin a pawimawhzia i hre thar leh theuh ang u.

Kum 2023 kan chuang kai ang a, mahni hmun theuhah rilru leh ngaihtuahna thar nen kan environment chhe zel tur ven leh chhanhim kawngah ṭan la turin ka sawm vek a che u.

Ka lawm e.

Vanlalnunpuii Hmar
Editor

khan kan hmang ve a ni. Nungchate leh an chenna venhim leh tihbua loh hi he danin a tum leh min hrilh ber chu a ni. Mizoram hi khawvel huap pawha biodiversity nei tha zing ami, hot spot 36 chauh awm zinga tel a ni a, flora leh fauna-ah kan hausa em em a, a venhim leh humhalh erawh chu kan mawphurhna liau liau a ni, a ti.

Khuallian chuan a chunga mite tihhawtlin a nih theih nan Mizoramah nasa lehzuala nungcha humhalhna bik (protected area) hmun 10 – National Park 2 leh Wildlife Sanctuary 7 bakah Tiger Reserve 1 siam a nih tawh bakah khaw hrang hrangah Community Forest Reserve siam a ni bawk a, chungte chu nungchate tan chenna tha a nih thu a sawi. Nungcha humhalhna kawnga tlawnmgai pawl hrang hrang leh mipui vantlang hmalakna a fak a, hmabak erawh kan la ngah hle a ni, a ti.

Pu TJ Lalnuntluanga chuan, Mizoramin a ngen angin India sorkharin municipal nei chinte tan chauha a buatsaih, Nagar Van Project chu Mizoramah chuan District khawpui tinah kalpui min phalsak a, sahuan ram zauhna tur te, Nursery School siam leh Myanmar leh Bangladesh ramria awm kan nih avangin Rescue Centre din tum a nih bakah Wildlife Protection Squad din nan pawh ruahmanna siam mek a ni a ti a. Hei bakah hian Tamdil chu Ramsar Site-a telh ve tura hma lak mek a ni a tiin thil nung tinrengte hi kan nun nan leh kan chenpui atan Pathianin min pek a nih avangin tichhe mai mai lo turin Zoram mipuite a ngen a ni.

He inkhawmah hian he chawlkar puala Painting Competition lawmman sem a ni bawk a, High School level lawmman chu Pu RK Sinha, Addl.PCCF-in a sem a, College Level lawmman chu khuallian hian a sem nghal bawk.

Hengte tih zawh a nih hnu hian Pi Lalramawii Sailo, IFS, Chief Wildlife Warden chuan lawmthu sawiin he inkhawm hi a tin a ni.

68th National Wildlife Week, 2022 Pualin Painting Competition

Chief Wildlife Warden, EF & CC Department chuan ni 30.9.2022 khan SAD Conference Hall, MINECO-ah 68th National Wildlife Week, 2022 denchhenin College leh High School level Painting Competition a buatsaih.

Painting competition hi Pi Lalrammawii Sailo, IFS, Chief Wildlife-in a hawng a, chawhma dar 10:00 - 12:00 thlengin High School zirlai mi 50 vel an tel thei a, chawhnu dar 1:00 – 4:00 inkarah College level Painting Competition buatsaihah hian College leh Mizoram University zirlai mi 30 vel an tel a ni, he competition-ah hian lawmman pakhatna atanga pathumna bakah Consolation Prize mi 3 hnena pek a ni.

He Painting Competition Theme atan hian ‘Compassion to Wildlife’ tih hi High School/Higer Secondary theme bik atana thlan a ni a, College leh University Theme atan hian ‘Climate Change and Save Wildlife’ tih thlan a ni bawk. Participants te hian nungcha leh ramngaw humhalhna kawngah leh kan sik leh sa inthlak zel avanga harsatna kawnga nungchate pawimawhna leh hemi kawnga zirtirna pe thei lemziak mawi tak tak te an ziak a ni, Hei hian zirlai ten nungcha leh ramngaw humhalhna kawngah awareness tha tak a pek ngei beisei a ni. Kan rama ramngaw leh nungcha hlu tak tak an mang mai hlauhawm tam tak a awm a, hengte hi neitu rilru pu a mi tin ten a humhalhna kawng hma la theuh turin EF&CC Deptt. chuan mi tinte a ngen a ni.

A lawmna pui ber hi, 3rd October, 2022 (Monday) dar 11:30 AM hian Assembly Annexe, Treasury Square-ah Pu TJ Lalnuntluanga, Hon’ble Minister, EF&CC Deptt. ho a hun hman a ni bawk a, he function-ah hian department mi mai bakah Environment NGO te, prominent citizen te bakah Govt. Zirtiri Residential Science College a mi te an tel bawk a ni.

National Wildlife Week hi kum tin ram pum huapin 2nd - 8th October chhungin hman thin a ni a, Wildlife Week hi kum 1954 atangin India ram pumah hman tan a ni a, kumin hi a vawi 68-na a ni a, Mizoram bikah chuan a lawmna pui ber hi Assembly Conference Hall, Assembly Annexe-ah hman a ni a, hemi bakah hian Forest Division hrang hrangah leh Range level-ah te pawh a remchang dan ang ang a hman a ni bawk.

National Wildlife Week denchhena painting competition-a lawmman dawngtute chu hengte hi an ni.

High School Level:

1. Lalpekhlu, Class- X,
Synod Higher Secondary School.
2. Angela Lalkhawngaihi, Class-IX,
Centenary School Dawrpui Church.
3. Sophie Malsawmkimi, Class-X,
St Pauls Higher Secondary School.

College Level:

1. Ropekhlui, 5th Sem, Mizo Core,
Govt. J Thankima College
2. Zoramhmangaiha, 5th Sem. Public Administration,
Govt Hrangbana College.
3. Dolianthanga, 1st Sem. History,
Aizawl North College

Consolation Prize:



Lunglei: Ni 3.10.2022 chawhnu dar 2:30 khan Govt. Lunglei High School-ah National Wildlife Week Vawi 68-na pualin hun hman a ni.

He hunah hian Pu Vanlalzarzoliana, Range Officer, Lunglei Forest Range chuan zirlaite hmaah thu sawiin sik leh sa lo danglam chho zel chu mihring ten kan tuar mek zel a, heng ti ziaawm tur hian mi tinin ramngaw leh a chhunga chengte kan humhalh a ngaih thu powerpoint presentation hmangin a sawi.

Tunlaiin YouTube channel-ah ramsa veh/tihlum lai tihlan chingte an awm thin thu sawiin dan kallh a nih avangin zirlaite chu inhnamhnawih ve lo turin a chah a. Hetianga inhnamhnawithe hi chhui mek zel an ni a, thenkhat chu chhui chhuah a, an phu tawk hremna pawh pek tawh an ni a ti.

He hun ah hian zirlai leh zirtirtu 100 vel an tel a ni.

1. Zothansangi Hmar, Class-IX,
Mount Carmel School.
2. Theresa Zoremawii Lalet, Class-X'E',
St Pauls Higher Secondary School.
3. F vanlalpekhlu, Class-IX,
Home Mission School.

Consolation Prize:

1. Joseph Zonunsanga, 3rd Sem.
Govt J Thankima College.
2. Vanrammawii, 3rd Sem.
Govt T Romana College.
3. Zorinpua, 5th Sem. Economic,
Pachhunga University College



Champhai: Nungchate humhalhna hapta vawi 68-na, 'National Wildlife Week, 2022', October ni 2 atanga ni 8, 2022 chhunga hman tur chu Champhai Forest Division buatsaihin ni 3.10.2022 chawhma dar 11:30 khan Govt. Gandhi Memorial High School, Champhaiah hawn a ni.

He hunah hian inzirtirna hrang hrang buatsaih a ni a. Pu Lalduhthlana, DFO Champhaiin 'Faina, Nungcha humhalhna dan leh a kaihhnawih' tih thupui hmangin zirtirna a pe a. Zirlai kalkhawmte chu nungchate humhalh kawnga pen chhuaka dan leh hraite ngaipawimawha midangte zirtirtu ni turin a chah a. Faina kawnga theihtawp chhuah tur leh environment humhalh leh vawnfaikawng hma latu ni turin a sawm a ni.

Pu Lalhlupuia, Honorary Wildlife Warden, Champhai District chuan 'Sik leh sa inthlak danglamin nungchate a nghawng dan' tih thupui hmangin zirtirna a pe a. Sik leh sa inthlak danglam NASA lutuk chu mithiamte rilru tihahtu ber a nih thu a sawi a. Nungchate leh mihringte inrintawn dante tarlangin, sik leh sa inthlak avanga nghawng thalo thlengte a sawifiah a. Kalkhawmte chu ramngaw leh nungchate humhalh duhna rilru pu thara mahni theihna zawn theuha hma la turin a sawm a ni.

He hunah hian District Level Narco Coordination Centre (NCORD) ruahmannain Pu Lalrinpua Varte, SP & Chairman, District Wildlife Crime Control Sub-Unit, Champhai chuan 'Ruihhlo tawl leh hman sual' tih thupui hmangin zirtirna a pe a. Zirlaite chu rilru leh ngaihtuahna thang mek an ni tih hrilhin, ruihhlo leh a kaihhnawih laka fihlim turte, a tih pawh tickhin lo tur tein a fuih a. Nawmna leh hlimna um vangte, manganna leh hrawmnna chhawk zangkhai tum vangte leh tih chhin ve chak hrim hrim avanga ruihhlo khawih chuan ngawlveinaah a hruai thlen thin thu a sawi a. Ruihhlo tawl man a nih dante leh a tawl, kawl leh zuar mante laka hremna lekkawh theih hrang hrangte a tarlang a. Ruihhloin nghawng thalo a thlen hrang hrangte a tarlang bawk.

He hun hi Pu HT. Vanlalsawma, Principal, Govt. Gandhi Memorial High School chuan a kaihruai a. Pu Jonathan Lalhruaitluanga, RO Champhaiin lawmthu sawiin hun a khar a ni.

National Wildlife Week hi kum 1952 atanga hman tan a ni a. National Wildlife Week kaltlang hian nungchate humhalh leh ngaihhlutna thar rilrua tuhte, abikin nungcha dinhmun derthawnga awmte an rem mai loh nana hmalak tulnate leh hmalak dante inzirtir thin a ni.



Khawzawl: 68th. National Wildlife Week, 2022 hawnna chu ni 3.10.2022 chawhma dar 11:00 khan Wildlife Division, Khawzawl bultumin Zaingen Branch YMA Hall-ah neih a ni a, he hun hi Khawzawl District Bawrhsap Pu C.C. Lalchhuangkima chuan khuallian niin a hmanpui a ni.

Khawzawl S.P. Pu Lalchhuanthanga kaihhruaia hun hmanah hian khuallian District Bawrhsap Pu C.C. Lalchhuangkima chuan National Wildlife Week hawnna neih a ni chu lawmawm a tih thu sawiin Mizote zingah hian kan bul vela nungcha chi hrang hrang tam tak awm hmelman en kan awm thin a, a that thei nih kan inchhuang a, ropui kan inti a ni a ti a. A bik takin Rul phei chu a that thei nih kan inchhuang a, thenkhat phei chuan Social Media-ah te kan Rul thah kan pholang thin a, hei hi Wildlife Act-ah chuan man theih a ni a ti a. Khawzawl leh nungcha dang te an thah avanga chhui a, man tawk an awm phah a, thenkhat phei chu Social Media-a an Post atanga hriat chhuah te an ni a ti a. Hetianga nungcha te tih hlum leh a sa zuar te hi tam tak chu Dan bawhchhia tih an inhriat loh vang a ni fo tih a sawi.

D.C. chuan zirlai kalkhawmte, a bik takin mipa te chu hun reilote-ah Silai lawm rual an ni dawn a, chuwangin anni pawhin nungcha te Dan hmanga a humhalh a nih dan hi tun atanga an hriat lawk a tul a ni a ti a, hun remchang hmasa berah High School, Higher Secondary School leh College Student te tan Wildlife Act chungchangah Awareness buatsaiah tha a tih thu a sawi bawk. Tunlaiah Airgun a tha tawh a, sava an kap tla teuh zel a, hei hian kan ram nungcha sava te a ti rem nasa em em a ni a ti a. Vawiin a thalaite hi chuan hei hi kan tih loh tawp tur a ni tiin, silai an lawm a, Airgun an lawm a nih pawhin Sports atan ni se la, nungcha te kap lovin inthemthiamna Competition lamah hian tui zawk tur a ni a ti.

He hunah hian Khawzawl DFO, Wildlife Division Pi Lawmnapari chuan report pe in Khawzawl Wildlife Division hian kum 2011 atangin Wildlife Week hi an hmag tan tih a sawi a. Kuminah hian Wildlife Week pualin High School leh Higher Secondary School zirlaite pualin Essay Writing Competition buatsaiah anih bakah Khawzawl Range R.O. te nen Joint Patrolling neih a ni bawk. Khawzawl Wildlife Division hian kumin March ni 3 khan Tuipui Bazarah Sava rep thahnem tak leh Thehlei rep thahnem tak an man a, hemi thla vek, ni 21 khan Tualpui khaw pa pakhat hnen atangin Sakhi leh a kahna Silai an man a, June thla khan Vankal khaw pa pakhat hnen atangin Vahrit pathum leh Sakuh sa an man bawk. Tin, Khawzawl Wildlife Divison hian Silai 13 an man tawh bakah Silai tung pakhat a awm bawk a ni.

National Wildlife Week hawnna Programme-ah hian Week puala Essay inziahsiaik buatsaiah a ti thate hnenah lawmmman sem nghal a ni a, High School tana Essay Competition buatsaiah hian mi 36 telin Higher Secondary School tana Essay inziahsiaikah hian zirlai 9 an tel thung a ni.

Lawmman dawngtute chu -

High School :

1. Fergie Hlimpuii, Class X, PES Khawzawl
2. Isak Malsawmdawngkima, Class X, PES Vengthar
3. K. Lalmunfeli, Class IX, Govt. Khawzawl High School

Higher Secondary School:

1. Megara Lalramthari, Class XII, Khawzawl Higher Secondary School
2. Vanlalthatluanga, Class XII, Khawzawl Higher Secondary School
3. Lalthansanga, Class XII Khawzawl Higher Secondary School

68th. National Wildlife Week, 2022 hawnnaah hian Hon. Wildlife Warden, Khawzawl District Pu P.C. Rosiama bakah Rev. James Lalremmawia, Counselor, FG&CC ten thu an sawi a. Wildlife Division Staff, Forest Department Staff te leh Khawzawl Higher Secondary School zirlaite bakah sawm bikte an tel a ni.



UNION MINISTER OF STATE PU ASHWINI KUMAR CHOUBEY HOVIN EF&CC LEH MPCB HOTUTE THUKHAWM

November ni 22, 2022 khan Environment, Forests and Climate Change changtu Union Minister of State Pu Ashwini Kumar Choubey hovin Mizoram State EF&CC Minister Pu TJ Lalnuntluanga, Forest Department leh Mizoram Polution Control Board hotuten Chief Wild Life Warden Office, MINECO-ah meeting an nei.



Minister Pu TJ Lalnuntluanga chuan sawrkar laipui Forest hotuten Mizoram an rawn tlawh chu lawmawm a tih thu sawiin harsatna hrang hrang an tawh mek te Union Minister hnenah hian a thlen a. Hmasawnna hna thawh kawnga harsatna thlentu Forest Clearance chungchangah EF&CC Department thawktute chuan a rang thei ang bera hma an lak thu leh Parivesh Portal a harsatna a awm thin avanga a hun takah leh rang taka Forest Clearance pek a nih loh thin thu a sawi a, hemi sukiang tur hian Ministry lamin an tih tur ti ve zung zung turin a ngen a. IFMIS-ah sawrkar a luh mek avangin sum leh pai chetvel dan in-thlakthlengin a nghawng CSS-a Mizoramin sum a hmuh tur a hun taka a hmuh theih loh thu leh technical thilah harsatna an tawk tih a sawi a. Heng harsatna hi chingfel a, hmasawnna hnathawhna tur sum te a hun taka release turin a ngen a ni. State chhunga sawrkar laipui scheme hrang hrang kalpui mekah heng project hnuiaia thawktutu a hun taka hlawh an dawn theih nan hma la turin Pu TJ Lalnuntluanga chuan a ngen a. Green India Mission chungchangah he Mission hian District 4 huamchhunga forest division 5 chauh a huam mek tih sawiin Mizoram pumpui tuam thei tur khawpa he Mission hi tilian turin a ngen bawk a ni.



Union Minister Pu Ashwini Kumar Choubey pawhin thu sawiin Mizoram chu nuam a tih thu te, India ram state zingah forest nei zau ber an nih angin eco-tourism lamah hmabak eng tak an nei nia a hmuh thu a sawi a. Mizoram leh North East State te chu Prime Minister Pu Narendra Modi-a'n a ngaih pawimawh-zia tarlangin Mizoram State chhunga sawrkar laipuiin hmasawnna hna a thawh mekah harsatna an tawte a hmunah hmuhpuiin Mizoram tan theihtawp a chhuah tur thu Union Minister hian a sawi a ni. Pu Ashwini Kumar Choubey chuan Carbon credit leh Eco-tourism

ah te, Eco-Task Force din a nih theih nan te project thehlut tur leh Jal Shakti hnuiah lui humhalhna tur project thehlut turin Mizoram Sawrkar a hriattir a. EF&CC hnuiah IFS post ruakte hnawhkhah a nih theih nan Sawrkar Laipuiah rawtna thlen turin a hriattir bawk a ni.

He meeting-ah hian Mizoram Polution Control Board Chairman Pu Rosiama Vanchhawng chuan presentation pein Mizoram dinhmun tlangpui a sawifiah a. Additional PCCF Pu RS Sinha pawhin EF&CC hmalakna sawifiahna hun a hmang bawk a ni.

Meeting hi Deputy Conservator of Forests Pu MZ Singson chuan a kaihruai a. PCCF Pu R.K. Singh chuan kalkhawmte lawmna thu sawiin Conservator of Forests (Wildlife), Chief Wildlife Warden ni bawk Pi Lalrammawii Sailo chuan lawmthu sawiin hun a khar a ni.



NATIONAL POLLUTION CONTROL DAY 2022 PUALIN SINGLE-USE-PLASTIC FREE DAY HMAN A NI

Kum 1984 a Bhopal Gas chhiatna rapthlak tak a nunna chan te puala kum tin a hman thin - National Pollution Control Day 2022 chu December ni 2, 2022 khan MINECO tualzawlah hman a ni a, he ni denchhen hian Single-Use-Plastic Free Day hman a ni bawk. He hunah hian Environment Forests & Climate Change Minister Pu TJ Lalnuntluanga chu khuallian niin, Pu Lalmalsawma Pachuau IRS Secretary UD&PA chuan a kaihruai a. Chief Secretary Dr. Renu Sharma kaihhruaina hnuiah hman khat daih plastic (Single Use Plastic) tihremna kawnga tan la turin kalkhawm ten thu tiam la in, plastic aiawh (alternative) siamtu ten an thilsiam te an phochhuak bawk a ni.



Khuallian Pu TJ Lalnuntluanga chuan thiamna leh mihring pung zelin khawvel hmasawnna nasa takin a thlen a thu a sawi a, chutih rualin heng kan ram leh khawvel hmasawnna te hian pollution a thlen ve zel avangin kan inven thiam a ngai tih a sawi bawk. Boruak, tui leh ri bengchheng ven nan a dan siam te chu ngai pawimawh thar tura mi tin ngenin Assam hnuia awm lai aqang tawhin Mizoram sorkar chuan kan ramngaw te humhahlan nan tan nasa taka a lo lak tawh thin thu a sawi a, tlawmngai pawl leh sawrkar hmalakna te pawhin ngaihhlut a hlawh chho zel chu a lawmawm takzet a ni, a ti. Khawpui chhunga ramngaw siamna tur - Nagar Van Scheme chu Municipal area chauh huam tura duan ni mah se, Mizoram district capital zawng zawng te huam teltir tur a Central sawrkar an ngenna chu tihhlawhtlin sak an nih thu a sawi bawk. Mihring pung zelah tui thianghlim mamawhna a san zel thu leh hemi kawngah hian riverine catchment area te humhahlan Japan sorkar nen tangkawpin JICA project hnuiah hma lak thuai a nih tur thu a sawi a. Hman khat daih plastic te chu lui dunga nungcha ten an tuar takzet avangin a tihremna kawngah khawvel huap a tan ho ngai thil a ni, a ti a. Ram dang te nen a hnual zawnga intehkhin lova, rilru dik pu chunga a tha lamah chuan entawn hreh lova tan kan lak a ngai zawk a ni, a ti. Bawlhhlawh pah leh sawngbawl kawngah lungrual tak leh inpumkhat taka mipuite rilru (moral) chawisan zel a tul thu sawiin, Zalenna kan duh angin midang te pawn an duh ve tih hre thar theuh a, leilung ti bawhhlawh thei heng thil tha lote tihtawp kawngah tan la theuh turin kalkhawmte a sawm a ni.

He hunah hian Chief Secretary Dr Renu Sharma pawhin thu sawiin plastic aia hman tur siamchhuah te an rawn inphochhuak thei chu a lawmawm takzet a ni, a ti a. Hemi kawnga hma latu sawrkar department hmalakna hrang hrang te chu fakin, MINECO tualzawlah chauh an inpholang chu duh tawk lovin ni 3.12.2022 hian Millenium Centre kawtah phochhuah a nih leh tur thu a sawi. Central Pollution Control Board-in hman khat daih plastic tihtawp kawnga hma la tha state a thlanchhuahah Mizoram chu rampum huapah 12-na leh hmarchhak state te zingah 1-na a ni thei chu thil chhinchhiahtlak tak a nih thu leh ram leilung venhimna atan kan tan zual sauh sauh zel a pawimawh thu a sawi bawk.



Mizoram Pollution Control Board Member Secretary Pu C. Lalduhawma chuan hman khat daih plastic ti tawp tura hmalakna leh hmachhawp hrang hrangah te report a pe a. Prime Minister Narendra Modi pawhin a ngaihpawimawh takzet thu sawiin, hma lakna report-te chu ni 15 danah thehluh ziah a nih thu leh Central Pollution Control Board kaihhruaina hnuiah State Pollution Control Board hrang hrangte chuan hmalakna thlirletin kartin meeting an neih ziah thu a tarlang a ni. Mizoram sawkar hnuia department 21 bakah school 1921 leh college 11 zet te chuan hmankhat daih plastic hmang lo tura an intiam tawh thu leh office leh sikul dang thahnem takin vawiin a hun hman mek pual hian an rawn zawm ve tur thu a sawi bawk.

Single Use Plastic Free Day-ah hian college zirlaite pualin Govt. Hrangbana College-ah hun hman a ni a, Chawnu lamah Mizoram Pollution Control Board kaihhruaiin Chawnpui High School-a Eco Club naupangte leh

Chawnpui Local Council-te leh Save Mizoram River-te nen Chawnpui venga Tuikual lui chu tihfai bawk tur a ni.

Hman khat daih sarâng (Single Use Plastics - SUPs) chu Plastic Wastes Management Rules 2021 chuan siam chhuah, hman leh hralhte a khap tâk avângin Mizoram sawrkâr pawhin hêng hman khat daih plastic-te, tirêm tura hma lâkna tur kawng (Comprehensive Action Plan) a duang fel tawh a, kumin chhûnga tirêm vek tura sawrkar laipui thupêk a nih angin tûn lai hian Special Task Force for Elimination of Single Use Plastics (SUPs)-te' n a khât tâwkin District khawpui hrang hrangah endikin an man thin bawk.

He Single-Use-Plastic Free Day hi Division hrang hrangah pawh hman a ni a. Zirna in hrang hrangah awareness campaign-te neih a ni a, hei bakah hian tlwmngai pawl leh khawtlang hruaitute nen hun tha tak hman a ni. Extension Division pawhin EFO Complex kawtah banner mawi tak tak an tar bakah plastic thlakna tur sample heng bag, no, fian, thleng te hi an tarchhuak bawk.



XXXIII MIZORAM CIVIL SERVICES ANNUAL SPORTS MEET

Mizoram Civil Services Annual Sports Meet vawi 33-na (Inter Departmental Sport kan tih mai thin) chu October 11-14, 2022 chhung khan Aizawl-ah discipline hrang hrang hmanga inelna neih a ni a. Kan Department pawh Table Tennis leh Carrom Board-ah tel vein hengte hian kan ai an awh a ni. Kan aiawha chhuakte kan chhuang hle mai.

Table Tennis (Hmeichhia)

1. Pi Lalbiaknungi, IS, PCCF office - Bronze Medal
2. Pi H Lalrinawmi, LDC, Lunglei Div.
3. Pi Lalrinpuii, Supdt, Esst Br.
4. Pi Zodinpuii, LDC, Account Br.

Table Tennis (Mipa)

1. Pu PC Laltanpuia, DCF(Hqrs.)
2. Pu Lalnunsgreng, Principal, FTS
3. Pu R Vanlalruata, FG, Lunglei Div.
4. Pu Lalmuanpuia, FG, N Vanlaiphai Div.

Carrom Board

- Single : JH Laltharliani, LDC, Protection Division - Bronze Medal

- Mixed : 1. JH Laltharliani, LDC, Protection Division

2. Lalchhuanawma VFA, DCF(Wildlife) - Gold Medal



LUNGLEI-AH DISTRICT LEVEL WILDLIFE CRIME CONTROL SUB-UNIT MEETING

Ni 29.11.2022 khan District Level Wildlife Crime Control Sub-Unit, Lunglei District chu an Chairman Lunglei SP hovin a Chamber-ah an thukhawm.

Meeting hi Lunglei Superintendent of Police, Pu Rex Zarzoliana Vanchhawng chuan a kaihruai a, nungchate an tlem tawh avang leh kan dam khawchhuahna atana an pawimawh si avangin theihtawp chhuah a ven him an tul thu a sawi.

Pu PC Lalchhandama, DFO Lunglei & Member Secretary-in meeting hmasa thurel bawhzuina report a pe a. Thu pawimawh inhrilh tawn zung zungna atana WhatsApp group siam a nih thu leh ṭangkai taka hman mek a nih thu te, zing leh tlai lamahte protection duty-a kal chhuah a nih ṭhin thu te, Wildlife Week lai leh hun remchangah te awareness programme theih ang tawka kalpui a nih thute leh Lunglei YMA Sub-Hqrs-a Science & Environment Committee-te nen thawhhona ṭha tak an neih ṭhin thu a sawi. Meeting hmasain hmun remchanga mipui zirtirna signboard tar tura a lo rel tawh chu tar theih tura buatsaih mek a nih thu a sawi bawk. Meeting-ah hian ramsa leh a kaih hnawih thila dan bawhchhiatna awm thei hrang hrang, a ven dan tur leh dan bawhchhiatna a thlena bawhzui dan turte sawi ho a ni a. Mipui hnena ramsa leh sava tihlum lo tura ngenna media hrang hrang kaltlanga neih te, Forest leh Police lam ten a huhova patrolling neih ṭhin te, Dan bawhchhia man te dan ang taka hrem tura hma lak zel te an rel a ni. Meeting-ah hian Police leh Forest Department bakah Assam Rifles, BSF, Custom Department Official-te, Lunglei Honorary Wildlife Warden leh YMA Sub-Hqrs hruaitute an tel a ni.



PROTECTION DIVISION FIELD STAFF DUTY

Ni 25.05.2022 khan Protection Division Field Staff duty ten Tuirial hnar (Tuisen Zau) a Mangkhawng (animal trap) an tih chhiat sak a, heting ramsa man theihna thang chi hrang hrang siam duh kan la awm hi a pawi em em a ni.



MIZORAM-AH MAMMALS CHI 84 A AWM

National Wildlife Week vawi 68-na pualin October ni 7, 2022 khan Chief Wildlife Warden pisa conference hall-ah inrawnkhawmna, Consultative Meeting buatsaih a ni a, Mizoram-ah ramsa ke pali nei, hnute tuia no chawm chi (mammal) hrang 84 a awm tih tarlan a ni.



Consultative Meeting-ah hian sorkar official te, kohhran leh tlawmngai pawl aiawhte leh thu thar thehdarhtute an tel a, PCCF RK Singh-a'n a hmanpui. Thupui chu 'Nungcha leh ramngaw humhalk' tih a ni a, Liankima Lailung, IFS (Rtd)-in a kaihruai.


Lawngtla DCF Laltlanhlua Zathang chuan, nungchate chenna hmun atanga chhutin Mizoram awmna chu hmun fuh leh tha a nih thu a sawi a, "India ramah ramsa ke pali nei, hnute tuia no chawm chi (mammal) chi hrang 350 a awm a, chu'ng zinga 84 chu Mizoram-ah a awm thu Zoological Survey of India (ZSI)-in a tarlang,"

a ti a; EF&CC department erawh chuan 84 chauh ni lovin Mizoramah mammal chi 110 a awm nia an hriat thu a sawi bawk.

Pu Laltlanhlua Zathang tarlan danin, Mizoram-ah mammals - zawng chi riat, sahel ei chi (carnivores) chi riat leh small carnivores chi 16, ui lam chi (canids) chi hnih, sawwawm chi hnih, hnime hnah ei (herbivores) chi sarih, lei chhunga awm chi (fossorial) chi riat leh thinga awm chi (arboreals) chi 11 a awm. Mizorama nungchatter chu mang mai hlauhawm (endangered species) anga ngaih deuh vek an ni.



Central Zoo Authority (CZA)-in sahan a pawm hoah chiah ramsa khawi phal a ni a, hmun danga ramsa khawi, vulh leh kawl chu danin a phal lo a ni.



Inrawnkhawmnaah hian Pu Laltlanhlua Zathang-in '*Mizoram nungchate dinhmun*' tih thupui a sawi a; Aizawl Theological College-a dean Rev. Dr LH Rawsea'n '*Thilsiam dangte nena Pathian biakho*' tih thupui sawiin, Centre for Environment Protection coordination AC Zonunmawia'n '*Role of media and NGOs in wildlife conservation*' tih thupui a sawi.



Inrawnkhawmnaa telte'n ramngaw, leilung leh a chhunga nungchate humhalh dan tura an ngaihdante an sawi a; nungcha leh ramngaw humhalh dan tura an ngaihdante an sawi a; nungcha leh ramngaw humhalh kawngah sorkar, kohhran, pawl leh media-te thawhho zel ni se, an ti.

Rawtna an siamte leh hmalak zel dan tur an sawite chu Environment, Forests and Climate Change department hotute chuan sorkar thuneitute hnenah thlen an tum thu an sawi a ni.

DEPARTMENT CHHUNG IN AWPNA SAWI DANGLAM A NI

Sorkar inhriattirna ni 4.10.2022-a a chhuah angin Champhai Forest Division leh N. Vanlaiphai Forest Division chu Eastern Circle hnuasia dah a lo ni ta a, chuvangin Circle dang a nghawng ta hlawm a ni.

Tuna Circle tina division awmte chu hengte hi a ni ta.

CENTRAL CIRCLE

- Aizawl
- Darlawn
- Thenzawl

NORTHERN CIRCLE


- Kolasib
- Kawrthah
- Mamit

SOUTHERN CIRCLE

- Lunglei
- Tlabung

EASTERN CIRCLE

- Champhai
- N. Vanlaiphai



Heng functional division - Extension, Protection, Forest Training School, Working Plan North leh South te chu Chief Conservator of Forests (P&D) hnuiah an awm ta rih a ni.

AIZAWL ZOOLOGICAL PARK

Aizawl Zoological Park-ah hian a hmasa ber atan kumin February 14, 2022 khan Keipui pakhat (a nu) Guwahati Zoo atangin lakluh ani a, tunah hian Animal Exchange Programme hnuaiah Keipui Nupa (a pa pakhat leh a nu pakhat) chu Nandankanan Zoological Park, Bhubaneswar Orissa atangin lak luu tum niin Central Zoo Authority (CZA) atang pawhin phalna hmuh a ni tawh a, tunah hian Sakei dahna tur Night House thar sak mek niin tuna Sakei dahna (Enclosure) pawh tih danglam hret a ni ang a, harsatna a awm a nih loh chuan kum thar February thla tir lamah Sakei hi lakluh hman tum a ni ang. Tuna Sakei lak luu tum hi kum 5 a upa ve ve a ni. Aizawl Zoological Park atangin Nandankanan Zoological Park-ah hian Ramsa chi thum - Hauhuk nupa, Savawm Pa pakhat leh Zawng hmeltha (Pig tailed macaque) nupa pek an ni ve thung dawn a ni.

Kumin April - November 2022 (Thla 8) chhung khan Aizawl Zoological Park-ah hian tlawhtu mi 37,248 an awm a, heng Sahuan tlawhtute luh man (Entry fee) leh lirthei dah man (Parking fee) leh thlalakna (Camera) fee atanga an sum hmuh tawh zawng zawng chu ₹ 6,52,200.00 a ni a, hei hi Sorkar sum bawmah dah luu vek a ni.

Sahuan tlawhtute lirthei hman dan hetiang hi ani.

- 1) Two wheelers - 6219
- 2) LMV - 2774
- 3) HMV - 2874

Camera : 1) Still Camera - 93
2) Video Camera - 1



Aizawl Zoological Park hi kar tin Thawhṭanni atanga Inrinni thleng mipuite tlawh theih tura hawn ṭhin a ni a, Pathianni erawh khar ṭhin a ni thung.

**Khua a ṭhal ṭan
KANGMEI
chhuah a hlauhawm em em
Chuvangin
Khawi hmunah pawh
KANGMEI a chhuah loh nan
mi tin i FIMKHUR ang u.**

KEIMAHNI

► Heng mite hi kan department atangin Limited Departmental Exam-ah Assistant-ah an tlinga, an awmna hmun tur erawh tih fel a la ni lo. Kan lawmpui hle.

| Roll No | Name & Father's Name | Present place of posting |
|---------|--|--------------------------|
| S-001 | Abraham VL Fanai s/o F Lalthanzuala | PCCF's Office |
| S-014 | F. Lalrimawii d/o F Hmingthanzauva | Aizawl Forest Division |
| S-004 | B. Lalnunziri d/o B. Lalngila | Thenzawl Forest Division |
| S-001 | Debori Lalfakawmi d/o R. Zosanglana (L) | PCCF's Office |

PROMOTION

Forest Constable to Forest Head Constable 31.10.2022

| Name | Present place of posting | New Place of posting |
|---------------|--------------------------|----------------------|
| Lalkunga | Lawngtla Division | Lawngtla Division |
| Lalrintluanga | Protection Division | Protection Division |

Forest Guard to Forester 29.11.2022

| Name | Present place of posting | New Place of posting |
|-------------|--------------------------|----------------------|
| PC Malsawma | Darlawn Forest Division | Ratu Forest Range |

LDC to UDC 6.12.2022

| Name | Present place of posting | New Place of posting |
|-----------|--------------------------|--------------------------|
| Zonunvuli | Kawrthah Forest Division | Kawrthah Forest Division |

| | | |
|-----------------|----------------------------|----------------------------|
| JH Laltharliani | Forest Protection Division | Forest Protection Division |
| Zorempuii | Champhai Forest Division | Champhai Forest Division |

SUNNA

► Vanlalremruata, Deputy Ranger chu ni 14.12.2022 zan dar 11:00 khan a boral a, a tuk ni 15.12.2022 dar 12:00 khan anmahni in Nursery Vengah vui liam a ni.

PENSION

October - December thla chhungin a hnuaia kan thawhpuite hian Superannuation Pension-in min chhuahsan leh ta a, kan uiim kan ngai hlawm em em a ni.

| Hming | Pension ni |
|-------------------------------|------------|
| Lianchuailova, Dy Ranger | 31.10.2022 |
| Lalzarmawia-II, Forester | 31.10.2022 |
| Sangluia, Forester | 31.10.2022 |
| K Lalrindika, Head Constable | 31.10.2022 |
| Chhawnkhuma, Forest Constable | 31.10.2022 |
| C Lalthlamuana, Forester | 30.11.2022 |
| H Rokima, Forester | 31.11.2022 |
| Laltlanthangi, Assistant | 31.12.2022 |
| Varparhi, Stenographer-III | 31.12.2022 |
| Lalhmuaka, Forester | 31.12.2022 |
| Thangmawia, Forester | 31.12.2022 |
| PC Sangthuama, Forester | 31.12.2022 |
| Kheilai, Forester | 31.12.2022 |
| Lalparmawii, Sweeper | 31.12.2022 |

*Forest Khawvel quarterly News letter chhiartu
yawng rawngte Krismas chibai kan buk che u a,
hlim taka hmang turin duhsakan kan hlan bawk a che u.*

*Kum lo thar tur hi in tan kum tha leh duhsawm
lo ni mawlh rawh se.*